

mesme quelques robes de Castor; nous les assistames aussi fort liberalement, il n'y eut gueres de nos domestiques qui ne leur fist aussi quelque gracieuseté. De sorte que ces pauvres enfans se trouuerent plus riches au moins en robes & en habits qu'ils n'estoient auparauant.

Le 5. le P. Chastellain estoit allé avec le [211] P. Pijart visiter quelques malades à *Anendaonactia* il baptisa vn ieune homme qui estoit à l'extremité.

Le 10. Le P. Pijart partit pour aller chercher de ieunes enfans pour mener à Quebec: si tous ceux dont il a quelque parole, se resoluent d'y demeurer, le feminaire ne fera pas mal fourni pour vn commencement: si nous croyons les bruits qui courent ici dès l'hiver, il y en a deux de morts de ceux de l'an passé. Mais peut estre que ce ne sont que des bruits: plust à Dieu que ceux qu'on a fait courir de la mort de Louys de saincte Foy, ne fussent pas plus affeurez, & qu'au contraire, ce qui s'en dit maintenant, fust aussi veritable que nous estimons les autres mal fondez. Sa mere qui ne pouuoit auparauant escouter ce qui s'en disoit, pense maintenant auoir des affeurances infailibles qu'il est parmi les *Agnietironons*, on lui a mesme nommé celui qui l'a adopté pour son fils: si cela est, nous auons quelque esperance que Dieu nous le rendra par quelque voie que ce soit. Je sçais bien que s'il demeure en ceste captiuité, ce ne fera pas faute d'auoir ici, & en France des personnes qui importunent le Ciel de vœux & de feruentes prieres pour sa deliurance.

[212] Le 12. Le P. Charles Garnier & le P. Isaac Iogues baptiferent à *Anonatea* 3. personnes bien malades; entre autres vne pauvre femme qui mourut